



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 30. De Iudæoru[m] iterata petitione mortis.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO XXX.
DE ITERATA IVDÆO-
RVM APVD PILATVM PE-
TITIONE MORTIS CHRISTI.

PVNCTA MEDITATIONIS.

*Ioan. 19. I. Pilato dicente, vt ipsi illum crucifigē-
rent. Responderunt: se legem habere,
secundum quam mori deberet, quia
filium Dei se fecit.*

*II. Pilatus ideo magis timens, illum de-
nuo examinavit. Sed Christo tacentē
ait: se potestatem habere crucifigē-
gendi & dimittendi.*

*III. Optabat quidem dimittere; sed Iu-
dæis dicentibus, si hunc dimittis, non
es amicus Cæsaris, fedit pro tribu-
nali, &c.*

FIGVRA.

Dan. 6. CVM Daniele à Satrapis per inui-
diam accusatum, apud se Darius Rex
cuperet liberare: Satraphæ institerunt,
vt neci daretur, denuntiantes regi
negligentem illum legum Persica-
rum videri, nisi Danielem condemna-
ret.

PRO-

P R O P H E T I Æ.

FILII hominum, dētes eorum arma, & sagitta, & lingua eorum gladius acutus. *Psal. 56.*

Linguis suis dolosè agebant venenum aspidum sub labijs eorum. *Psal. 13.*

Quorum os maledictione & amaritudine plenum est: veloces pedes eorum ad effundendum sanguinem.

D O C V M E N T A.

1. **I**VDÆI animi perturbatione cæcati scelus scelere cumulant. Caueamus ne vllum peccatum in mentem admittamus, ne per illud excæcati in alia incidamus grauiora, non discernentes, quid iustum, quid salutis nostræ conducibile sit.

2. Christus à Pilato interrogatus vnde esset, non respondit: vt discamus non esse proiciendas margaritas ante porcos, neque de rebus sublimibus agendum apud homines indignos, & non intelligentes, ne eas contemnant.

3. Non debemus, vt Pilatus, potentia aut sapientia nostræ quicquam attribuere, sed agnoscere omnia profecta esse à Deo, sine cuius voluntate, nec folium arboris commouetur.

4. Si omnis potestas est desuper, vt nec homines, nec damones quicquam contra nos possint sine diuino nutu, nemo in tentationibus, periculis, rebus aduersis timendus est, nisi solus Deus, & sperandum nihil illum permisurum, nisi quod ipsi maiorem gloriam, nobis vtilitatem afferat.

5. Auscultant vocibus mundi dicentis. *Si hoc facis non es amicus Caesaris:* qui tacita Dei inspiratione, ad bonum aliquod faciendum excitati, aut ad imperfectionem vel peccatum aliquod deserendum, respectu humano non obtemperant inspirationi.

6. Iudæi quod repudiato Christo Casarem regem suum vellent, in tot mala inciderunt, & in perpetuam seruitutem. Sic qui relicta seruitute Christi, ad mundam redeunt, perpetua fiunt mundi mancipia, & cum mundo pereunt.

7. Seculares, qui viuunt ex præscripto legum mundi & carnis; operibus suis clamant: non habere se Regem nisi Casarem. Religiosi item cum suo, non superiorum iudicio & voluntate regi volunt, Regi cœlesti repudiato, adherent terreno.



MEDITATIO XXXI. DE CHRISTI CON- DEMNATIONE.

PVNCTA MEDITATIONIS.

Mat. 27 I. Pilato pro tribunali sedenti nunciavit vxor, ne se cause Christi misceret; eo quod multa passa esset propter illum.

II. Pilato post lotionem manuum dicente: Innocens sum à sanguine Iusti huius; responderunt: Sanguis eius super nos, &c.

III. Sic